



partii naleraq

13.maj 2016

UPA2016/142

Upernaakkut 2017-mi ataatsimiinnissamut ilaqutariit pissakinnerusut akunnattumillu aningaasarsiallit nammineerlutik illutaarsinnaaneratt pillugu Naalakkersuisut suliniuteqaqqullugit inatsisartut aalajangiiffigisassaattut siunnersuut.

(Inatsisartunut ilaasortaq Anthon Frederiksen, Partii Naleraq)

Inatsisartunut ilaasortaq Anthon Frederiksen Partii Naleraq siunnersuuteqarpoq, tassalu ilaqutariit pissakinnerusut aammalu akunnattunik isertitallit nammineerlutik illutaarsinnaanerannik Naalakkersuisut misissueqqullugit aalajangiiffigisassamik, tamannalu Partii Naleqqamiit oqaaseqarfigissavarput.

Nunatsinni illoqarniarnikkut atukkagut sumiinnerput aallaavigalugu assigiinngilluinnartut takusinnaajuannarparput, illoqarfiit angisuut isigissagaanni illoqarniarnikkut atugassaritinneqartut pitsaanerujussuusut oqaatigisariaqarparput, tamannalu soorunami ajunngilluinnarpoq, tassami ineqarniarnikkut atukkat pitsaasuugaangata aamma peqqinnarnerujussuarmik inuusoqartarpoq, tamannalu iluarisimaarlugu oqaatigisariaqarparput neriutigarpullu suli siunissami ineqarnikkut atugassarititaasut pitsaanerulerumaartut.

Taavalu isorliunerusuni nunaqarfinnilu atukkat qiviaraanni ilaatigut illoqarfinni anginerusuni ineqarnikkut atukkaniit allaanerulluinnartut oqaatigisariaqarparput, illut aserfallassimasut aammalu nutaanngitsut amerlavallaat inigineqarput, allamillu periarfissaqannginneq pissutigalugu ilaatigut peqqinnissaq eqqarsaatigalugu inigineqarsinnaanngikkaluartut inigineqartarput, tamannalu soorunami ilaqutariit meerartallit eqqarsaatigalugit tulluannigilaq akuersaaginnarneqarsinnaananilu.

Siunnersuuteqartup Anthon Frederiksen Partii Naleraq, tungavilersutaa tassalu pissakinnerusut akunnattumillu isertitallit eqqarsaatigalugit namminneq illutaarsinnaaneratt pitsanngorsarneqaqqasooq, tamannalu soorunami tamakkiisumik Partii Naleqqamiit taperserparput, tassami inuup pisinnaatitaaffia tassavoq angerlarsimaffeqarnissaq, pingaartumik aamma ilaqutariit, meeqqallu eqqarsaatigalugit.

Sinerissami illorpassuit pitsaajunnaarsimasut amerlapput, taakkuli pitsanngorsarneqaqqasappata aningaasatigut periarfissat killeqartorujussuupput pingaartumik isertitakitsut eqqarsaatigalugit. Tassami aningaasanik attartorfissat aningaasarsiakitsut eqqarsaatigalugit periarfissaqarpallaanngitsoq oqaatigisariaqarparput pingaartumik sinerissami illoqarfiit mikinerit nunaqarfiillu eqqarsaatigalugit.

Aammalu puigussanngilarput illunnguit mikisut aserfallassimasut ilaatigut uffarfeqanngitsut perusuersartarfeqanngitsut najugaritinneqarmata, tamannalu peqqissumik inuunissamut tulluanngilluinnarpoq, taamaattumik illut peqqinnarnerusut pilersinnissaanut aningaasalersuinikkut pitsaaneruseqanngitsut aqqiisariaqalerpugut, imaassanngilarmi nunaqarfimmiugaanni isorliuneruseqanngitsut najugaqaraanni ajorneruseqanngitsut illoqarnikkut atugassaqaartitaassasut.

Taammattumik ineqarnikkut periarfissat tamakku ilungersunartut pitsaanerulissappata taava naalackersuinikkut illoqarnermut tunngasunik aqqissuussisariaqarpugut.

Nammineq illuliortarneq atuutilersinneqarnerata kingorna nunaqarfiit isorliuneruseqanngitsut inoqaannarnissaat qulakkeerneqarnikuuvoq, tassungalu aalajangersaanermit pilersitsisimasut qujassuteqarfigerusuppagut, taamaaliortoqarsimanngikkaluarpammi suli ullumikkornit ineqarnikkut ajornerujussuarmik nunaqarfimmi isorliuneruseqanngitsut atugaqassagaluaratta.

Ukiuni kingullerni nammineq illuliortarneq nunaqarfimmi unilluinnarnikuuvoq, tassumalu kinguneraa isorliuneruseqanngitsut ineqarnikkut annertuumik katataajartuinnarneq.

Ilaqtariit inuusuttut meeqqiortut nutaamik angerlarsimaffittaarsinnaanerit assut killeqalersimavoq, taamaattumik aningaasalersuinikkut taarsigassarsisinnaanermullu periarfissat pinngitsoorneqarsinnaanngitsumik aqqissuuteqqittariaqalerput.

Tassami nalunngilarput aningaaseeriviit realkredit-tillu sinerissami illoqarfimmi mikineruseqanngitsut nunaqarfimmi periarfissaqaartitsinngitsut, tamannalu ingerlaaseq atuuttoq akuersaarneqarsinnaajunnaarpoq, tamassumalu kinguneraa illoqarnikkut suli equsooriartuinnarneq, ilullu pitsaanngilluinnartumik allat nutserfigineqartarput allamik periarfissaqaanngineq pissutigalugu.

Aammalu nammineq illuliortarneq allanngortinneqarnikuuvoq, tassalu sanaqateqarluni illuliortarnermut, tassumalu aamma kinguneraa suli ajornakusoornerullunilu aningaasalernissaanut aporfissat annerulernerat. Aallarniutissammi annertusinikoqaat taakkulu isorliuneruseqanngitsut najugalinnut aningaasanik attartorfisinnaanngitsuni naammassineqarsinnaanngillat.

Siunnersuutip itigartinneqarnissaanik Naalackersuisut akissuteqaataat assorujussuaq pakatsinarpoq tassami ullumikkut periarfissat isigigaanni illutaarsinnaaneq aningaasarsiakitsunut ajornarluinnartoq oqaatigigaanni pitsaaneruvoq.

Taamaattumik naalackersuisoqatigiit siunnersuummut itigartitsinertik eqqarsaatigeqqittariaqarpaat taamatut oqariarluta naalackersuisoqatigiit isumaqatigiissutaanni issualarpunga” Illoqarfimmi nunaqarfimmi realkreditit aqutugalugit periarfissaqarfimmi namminneq illuliortarnermut periarfissaat annertunerpaatikkumallugu realkreditinut assingusumik aningaasaateqarfiliorsinnaaneq misissorneqassaq” issuaaneq naavoq.

Uanilu siunnersuummi tamanna anguniarneqaralarpoq kisiannili itigartinneqarnera tupinnarpoq tassami isumaqatigiissummi takusinnaavarput ilanngullugu anguniarissi.

Taavalu issuaqqilarpunga ” Nunaqarfimmi isorliuneruseqanngitsut nammineq illussanik sanaartornissamut aningaasaliisoqassaaq aqqissuussinerlu nutarterneqarluni” aamma tassuuna

takuarput aamma isumaqatigiissut malinneqanngitsoq tamannalu soorunami innuttaasut sullikkumallugit isumaqatigiissusioriarluni naammassineqarsinnaanngippat ” ukapaatitsineruvoq” soorunami taamatut kiffartuussisoqassappat akuersarneqarsinnaanngilaq.

Taamatut oqaaseqarluta Anthon Frederiksen-ip siunnersuutaa, tamakkiisumik taperserlugu sanaartornermi ataatsimiititaliami suliarineqarnissaa innersuussutigaarput.

Hans Enoksen